

Službeni glasnik BiH, broj 5/19

Na osnovu člana 10. stav 7. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

PROGRAM

MJERA ZDRAVSTVENE ZAŠTITE ŽIVOTINJA I NJIHOVOG PROVOĐENJA U 2019. GODINI

Član 1. (Predmet)

(1) Ovim Programom određuju se mjere za sprječavanje, otkrivanje, kontrolu i suzbijanje zaraznih i parazitarnih bolesti kod životinja u 2019. godini.

(2) Mjere iz stava (1) ovog člana nalaze se u Prilogu I. ovog Programa.

Član 2. (Planiranje mjera)

(1) Nadležne veterinarske službe entiteta i Brčko Distrikta Bosne i Hercegovine (u daljnjem tekstu: Brčko Distrikt) su dužne izraditi Uputstvo za provođenje mjera propisanih ovim Programom za 2019. godinu, uvažavajući specifičnosti organizacije i stanja postojeće veterinarske infrastrukture na prostoru koji pokrivaju, i dostaviti ih Uredu za veterinarstvo Bosne i Hercegovine (u daljnjem tekstu: Ured).

(2) U Uputstvu iz stava (1) ovog člana treba biti navedeno sljedeće:

a) mjere koje će se finansirati iz budžeta u 2019. godini,

b) rok za provođenje mjera,

c) veterinarske organizacije koje će provoditi mjere.

(3) U saradnji s nadležnim veterinarskim službama entiteta i Brčko Distrikta, Ured je također dužan izraditi Uputstvo u kojem će biti navedene mjere koje će se finansirati iz budžeta Ureda u 2019. godini do roka navedenog u stavu (1) ovog člana.

(4) Za mjere za koje je potrebno provesti uzorkovanje, ukoliko to nije ovim Programom drugačije propisano, uzet će se reprezentativan broj uzoraka obzirom na procijenjeni broj životinja u svakoj pojedinačnoj najmanjoj jedinici za uzorkovanje u skladu s tabelom za uzorkovanje koja se nalazi u Prilogu II. ovog Programa, te zadatom prevalencom za predmetno oboljenje.

Član 3. **(Izvođenje mjera)**

- (1) Nadležni službeni veterinar, odnosno veterinarski inspektor na području njegove nadležnosti kontrolira i nadzire provođenje mjera propisanih ovim Programom.
- (2) Mjere propisane ovim Programom obavezne su provoditi za tu djelatnost registrirane i na pojedinom području nadležne veterinarske organizacije, osim
- a) mjera iz Priloga I, Poglavlja E, tačka 3. ovog Programa koje se provode na inicijativu vlasnika
- b) mjera iz Priloga I, Poglavlja H, tačke 1. i 3. koje provode veterinarske organizacije registrovane za tu djelatnost bez obzira na područje nadležnosti, ukoliko se navedene mjere provode ambulantno.
- (3) Nadležne veterinarske organizacije nakon provedbe svih mjera za pojedinu vrstu životinja dužne su izdati potvrdu o provedenim mjerama za svaku pojedinu vrstu životinja u skladu sa odredbama obrasca iz Priloga V ovog Programa.
- (4) Laboratorijski dijagnostički postupci predviđeni ovim Programom provode se u ovlaštenim veterinarskim laboratorijama i/ili u slučaju potrebe u Evropskoj uniji (u daljnjem tekstu: EU), odnosno priznatim laboratorijama Svjetske organizacije za zdravlje životinja (OIE). Prilikom slanja uzoraka u ovlaštenu dijagnostičku laboratoriju, veterinarska organizacija dužna je koristiti Obrazac za slanje uzoraka na laboratorijsko ispitivanje iz Priloga III ovog Programa. Zaseban obrazac se dostavlja za svako imanje (vlasnika životinja) ili farmu. Ovlaštene veterinarske dijagnostičke laboratorije mogu zaprimati samo uzorke praćene Obrascem iz Priloga III. ovog Programa i dužne su izdati zaseban nalaz laboratorijskog ispitivanja za svaki dostavljeni Obrazac, odnosno za svako zasebno imanje ili farmu i u nalaz upisati brojeve ušnih markica životinja ili drugih oznaka životinja od kojih su uzeti uzorci.

Član 4. **(Izveštavanje o provođenju mjera)**

- (1) Izveštavanje o implementaciji mjera provodi se na sljedeći način:
- a) nadležne veterinarske službe entiteta i Brčko Distrikta dužne su dostaviti prikupljene tromjesečne izvještaje o provedenim mjerama Uredu.
- b) do 10. u mjesecu, ovlaštene veterinarske laboratorije obavezne su dostaviti nadležnom entitetskom tijelu i Uredu mjesečne izvještaje o svim provedenim mjerama u prethodnom mjesecu.
- (2) Izveštavanje o implementaciji mjera iz stava (1) ovog člana se vrši na obrascu koji se nalazi u Prilogu IV. ovog Programa.

Član 5. **(Ocjena efikasnosti provođenja mjera)**

- (1) Ured je dužan osigurati analizu provedenih aktivnosti kroz Stručnu grupu za epidemiologiju i izradu programa kontrole bolesti koja ima za cilj osigurati naučni osnov u provođenju programa zaštite zdravlja životinja i ljudi.
- (2) Stručna grupa za epidemiologiju će na kraju godine pripremiti godišnji izvještaj o obimu i efikasnosti provedenih mjera u 2019. godini te predložiti neophodne promjene u programima kontrole bolesti u narednom periodu.
- (3) Laboratorije koje su određene za referentne za pojedine bolesti u Bosni i Hercegovini dužne su uspostaviti saradnju s odgovarajućim referentnim laboratorijama OIE ili EU koje odredi Ured i učestvovati u ring testovima koje oni organiziraju.

Član 6. **(Finansiranje mjera)**

(1) Ured, nadležne veterinarske službe entiteta i Brčko Distrikta će svojim Uputstvima odrediti mjere koje će se financirati iz budžeta i one koje će se financirati iz projekata, odnosno one koje će financirati vlasnik.

(2) Ured će financirati pojedinačne aktivnosti iz domena rada referentnih laboratorija, kada se za to ukaže potreba i u visini trenutno raspoloživih sredstava za tu namjenu, rad stručne grupe za epidemiologiju, aktivnosti pojačane kontrole i monitoringa pojedinih zaraznih bolesti u slučaju epizootija i kada je ugroženo ljudsko zdravlje, kao i druge aktivnosti od državnog značaja.

Član 7.

(Informiranje i stručno usavršavanje)

(1) Ured i nadležne veterinarske službe entiteta i Brčko Distrikta su dužni redovno organizirati informiranja i stručna usavršavanja veterinara, farmara, vlasnika životinja i drugih lica uključenih u proizvodnju i promet životinja i namirnica životinjskog porijekla.

(2) Aktivnosti iz stava (1) ovog člana će se provoditi putem predavanja, seminara, stručnih skupova, štampanjem biltena, knjižica i na drugi način, a u cilju poboljšanja zdravlja životinja i sigurnosti hrane.

Član 8.

(Prestanak važenja)

Danom stupanja na snagu ovog Programa prestaje važiti Program mjera zdravstvene zaštite životinja i njihovog provođenja u 2018. godini ("Službeni glasnik BiH", broj 15/18).

Član 9.

(Završne odredbe)

(1) Prilozi I. do V. čine sastavni dio ovog Programa

(2) Ovaj Program stupa na snagu danom donošenja i objavljuje se u "Službenom glasniku BiH".

Broj 02-4-27-20-921-4/18
15. januara 2019. godine
Sarajevo

Direktor
Ljubomir Kalaba, s. r.

Prilog I.

Mjere za sprječavanje, otkrivanje, kontrolu i suzbijanje zaraznih i parazitarnih bolesti kod životinja

Poglavlje A. MJERE KOJE SE PROVODE ZA GOVEDA

1. Bedrenica

Prije puštanja na ispašu, sva goveda u bedreničnim distriktima, kao i ona koja dolaze na ispašu u bedrenične distrikte moraju se vakcinirati protiv bedrenice. Goveda je dopušteno napasati u bedreničnim distriktima, samo ako su vakcinirana protiv bedrenice i ako je od vakcinacije prošlo više od 15 dana.

2. Bruceloza

Najmanje jedanput godišnje na području cijele Bosne i Hercegovine, obavezno je pretražiti krv svih goveda starijih od 12 mjeseci koja se u datom trenutku nalaze na farmi. Period od prethodnog ispitivanja ne smije biti kraći od tri (3) mjeseca. Na osnovu ovog Programa, Ured donosi Uputstvo o provođenju monitoringa bruceloze goveda uz saglasnost nadležnih tijela entiteta i Brčko Distrikta BiH.

3. Goveđa spongiformna encefalopatija

Godišnji program praćenja TSE-a, zasniva se na aktivnom i pasivnom nadzoru u skladu s Pravilnikom kojim se utvrđuju mjere za sprječavanje, kontrolu i iskorjenjivanje transmisivnih spongiformnih encefalopatija ("Službeni glasnik BiH", br. 25/11, 20/13 i 70/14) koji uključuje postupak screening-a pri kojem se koriste brzi testovi za otkrivanje TSE-a kod sljedećih subpopulacija:

- a) sva goveda starija od 24 mjeseca upućena na prisilno klanje ili životinje koje su pokazivale simptome kod ante-mortem pregleda;
- b) sva goveda starija od 30 mjeseci namijenjena klanju za ljudsku ishranu;
- c) sva goveda starija od 24 mjeseca koja nisu zaklana za ljudsku konzumaciju, koja su uginula ili usmrćena na gazdinstvu, tokom prijevoza ili u klaonici (uginula stoka).

4. Tuberkuloza

Najmanje jednom godišnje na području cijele Bosne i Hercegovine, obavezna je opća tuberkulinizacija svih goveda starijih od šest sedmica koja se u trenutku implementacije mjere nalaze na farmi, s tim da testiranje treba biti provedeno u razmaku ne kraćem od šest (6) mjeseci.

Nadležni veterinar u klaonicama moraju voditi posebnu evidenciju o svakom utvrđenom slučaju tuberkuloze goveda, te o nalazu obavijestiti nadležnog veterinarskog inspektora u mjestu porijekla tuberkulozne životinje.

Ukoliko se na gazdinstvu drže i druge prijemčive životinjske vrste iste je neophodno ispitati na tuberkulozu.

5. Enzooska leukoza goveda

U cilju kontrole enzooske leukoze goveda, najmanje jednom godišnje vršit će se testiranje životinja starijih od 24 mjeseca u stadima koja nemaju status službeno slobodnih stada od ove bolesti.

Proglašavanje slobodnih stada u sklopu operativnog plana izvršit će nadležna veterinarska tijela entiteta i Brčko Distrikta, na osnovu rezultata do sada provedenih mjera, ukoliko su ispunjeni sljedeći uvjeti:

- a) nema dokaza, bilo kliničkog ili u vidu rezultata laboratorijskog testiranja o prisustvu enzooske leukoze goveda u stadu i nijedan takav slučaj nije potvrđen u protekle dvije godine; ili
- b) sve životinje preko 24 mjeseca starosti su u proteklih 12 mjeseci dale negativnu reakciju na dva izvršena testiranja, provedena u razmaku koji nije kraći od 4 mjeseca.

Održavanje statusa slobodnih stada provodit će se kroz:

- a) kontinuirano ispunjavanje prethodno navedenih uvjeta za proglašavanje slobodnih stada;
- b) sve životinje koje se uvode u stado moraju poticati iz stada sa istim statusom;
- c) sve životinje starije od 24 mjeseca moraju imati negativnu reakciju pri laboratorijskom testiranju, koje se na slobodnim farmama provode svake 3 godine.

6. Listerioza

Na listeriozu mora biti pretražen mozak goveda koja pokazuju kliničke znakove poremećaja centralnog nervnog sistema i poremećaja u ponašanju.

7. Bolest plavog jezika

U cilju utvrđivanja dinamike bolesti, te dinamike pojavljivanja insekata roda *Culicoides*, njihove geografske rasprostranjenosti, te određivanja perioda sezonski slobodnog od vektora virusa bolesti plavog jezika, odnosno perioda kada nisu aktivni adulti insekata roda *Culicoides* Ured će uz saglasnost nadležnih organa entiteta i Brčko Distrikta donijeti plan nadziranja bolesti plavog jezika u roku od 30 dana od dana stupanja na snagu ovog Programa.

U slučaju utvrđivanja sumnje na prisustvo bolesti plavog jezika, potrebno je bez odlaganja provesti sve mjere navedene u Pravilniku o mjerama za kontrolu i iskorjenjivanje bolesti plavog jezika ("Službeni glasnik BiH", broj 38/10).

Na osnovu epidemiološke situacije u skladu sa članom 4. Odluke o odobravanju provođenja vakcinacije protiv bolesti plavog jezika u Bosni i Hercegovini ("službeni glasnik BiH", broj 29/17) Ured može donijeti Okvirni program vakcinacije preživara protiv bolesti plavog jezika u Bosni i Hercegovini.

8. Slinavka i šap

U slučaju diferencijalno dijagnostički postavljene sumnje na prisustvo bolesti slinavke i šapa potrebno je provesti klinički nadzor kod svih goveda na farmi. Ukoliko se kliničkim pregledom utvrde znakovi karakteristični za bolest, potrebno je bez odlaganja provesti sve mjere utvrđene Pravilnikom o mjerama za suzbijanje i iskorjenjivanje slinavke i šapa ("Službeni glasnik BiH", broj 45/11).

9. Ehinokokoza

Pravna i fizička lica, koja kolju stoku za javnu potrošnju, kao i vlasnici stoke koji je kolju za vlastitu potrošnju, dužni su, radi sprječavanja širenja ehinokokoze, odbačene organe zaklane stoke prokuhati, odnosno uništiti ih spaljivanjem.

U slučaju nalaza patoanatomskih promjena na liniji klanja koje upućuju na ehinokokoza, veterinarski inspektor mora

dostaviti promijenjene parenhimske organe (pluća, jetra) radi parazitološke pretrage u ovlaštenu veterinarsku laboratoriju. Nadležni veterinarski inspektor u klaonici mora voditi evidenciju o svakom utvrđenom slučaju ehinokokoze domaćih životinja te o nalazu izvijestiti nadležno tijelo entiteta i Brčko Distrikta.

10. Bolest kvrgave kože

Sve veterinarske organizacije dužne su provoditi obavezni klinički nadzor pojave znakova bolesti kvrgave kože kod goveda svih kategorija. U slučaju utvrđivanja sumnje na prisustvo bolesti kvrgave kože, potrebno je bez odlaganja provesti sve mjere navedene u Pravilniku o mjerama za kontrolu određenih bolesti životinja i posebne mjere za vezikularnu bolest svinja ("Službeni glasnik BiH", broj 15/11).

11. Kontrola označavanja goveda

Prilikom provođenja mjera iz ovog Programa koje se odnose na goveda, potrebno je izvršiti kontrolu označavanja goveda u skladu sa odredbama Pravilnika o označavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10, 25/11, 103/11 i 41/12, 52/15, 2/16 i 66/16).

Poglavlje B. MJERE KOJE SE PROVODE ZA OVCE I KOZE

1. Bedrenica

Prije ispuštanja na ispašu, sve ovce i koze u bedreničnim distriktima, kao i one koja dolaze na ispašu u bedrenične distrikte moraju se vakcinirati protiv bedrenice. Ovce i koze je dopušteno napasati u bedreničnim distriktima, samo ako su vakcinirane protiv bedrenice i ako je od vakcinacije prošlo više od 15 dana.

2. Bruceloza

Sve ovce i koze starosne dobi od 3 do 6 mjeseci moraju biti vakcinirane REV1 vakcinom protiv bruceloze i propisno označene u skladu s odredbama Pravilnika o mjerama kontrole bruceloze malih preživara ("Službeni glasnik BiH", br. 43/09 i 83/09) i Pravilnika o označavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10, 25/11, 103/11 i 41/12, 52/15, 2/16 i 66/16).

Ured će donijeti Uputstvo o provođenju vakcinacije malih preživara i i Uputstvo o provedbi monitoringa uspješnosti vakcinacije malih preživara protiv bruceloze u roku od 60 dana od dana stupanja na snagu ovog Programa.

3. Scrapie

Na Scrapie moraju biti pretražene sve ovce i koze u skladu s Prilogom III. Pravilnika kojim se utvrđuju mjere za sprječavanje, kontrolu i iskorjenjivanje transmisivnih spongiformnih encefalopatija ("Službeni glasnik BiH", br. 25/11, 20/13 i 70/14).

4. Listerioza

Na listeriozu mora biti pretražen mozak ovaca i koza koje pokazuju kliničke znakove poremećaja centralnog nervnog sistema i poremećaja u ponašanju.

5. Bolest plavog jezika

Kako je navedeno u Poglavlju A.7. ovog Priloga.

6. Slinavka i šap

U slučaju diferencijalno-dijagnostički postavljene sumnje na prisustvo bolesti slinavke i šapa potrebno je provesti klinički nadzor kod svih ovaca i koza na farmi. Ukoliko se kliničkim pregledom utvrde znakovi karakteristični za bolest potrebno je bez odlaganja provesti sve mjere utvrđene Pravilnikom o mjerama za suzbijanje i iskorjenjivanje slinavke i šapa ("Službeni glasnik BiH", broj 45/11).

7. Druge bolesti malih preživara

Prilikom provedbe obavezne vakcinacije malih preživara protiv bruceloze vršiće se klinički pregled životinja na prisustvo kuge malih preživara (Peste des petits ruminants).

Poglavlje C. MJERE KOJE SE PROVODE ZA SVINJE

1. Bruceloza

U slučaju diferencijalno dijagnostički postavljene sumnje na prisustvo bruceloze kod svinja kliničko, bakteriološko, i ukoliko je potrebno serološko ispitivanje mora biti provedeno pod službenim nadzorom kako bi se potvrdilo da navedeni simptomi nisu izazvani brucelozom.

2. Klasična kuga svinja

Sve svinje na porodičnim farmama moraju se vakcinirati protiv klasične kuge svinja. Vakcinacija se provodi kod svih svinja na farmi koje su starije od 60 dana. Vakcinacija nazimica i krmača provodi se prije svakog pripusta. Vakcinacija se provodi vakcinama pripremljenim od atenuiranog virusa (C - soj).

Na farmama sa zaokruženim proizvodnim ciklusom prasad se vakcinira u dobi od 45-60 dana, nazimice i krmače prije svakog pripusta, a nerastovi dva puta godišnje.

Sve vakcinirane svinje obavezno je markirati-označiti ušnim markicama.

U promet se mogu staviti samo imune svinje odnosno svinje koje su vakcinirane i označene markicom najmanje sedam dana prije stavljanja u promet.

Promet svinja dopušten je samo na registriranim stočnim pijacama, sajmovima, dogonima i drugim otkupnim mjestima koji su pod stalnom veterinarskom kontrolom.

Za uzgoje svinja sa zaokruženim proizvodnim ciklusom, Ured u saradnji s nadležnim tijelima entiteta i Brčko Distrikta će donijeti poseban program kompartmentalizacije, kojim će se pojedini uzgoji izuzeti iz programa obavezne vakcinacije, ukoliko se osiguraju svi neophodni uvjeti, te ispune kriteriji za proglašenje kompartmenta.

Ukoliko se prilikom provođenja mjera utvrde znakovi karakteristični za bolest potrebno je bez odlaganja provesti sve mjere utvrđene Pravilnikom o mjerama za otkrivanje, suzbijanje i iskorjenjivanje klasične svinjske kuge ("Službeni glasnik BiH", br. 38/10, 51/11, 6/12, 4/13 i 90/14) i Dijagnostičkim priručnikom za klasičnu svinjsku kugu ("Službeni glasnik BiH", broj 74/10). Na osnovu epidemiološke situacije Ured će uz saglasnost nadležnih organa entiteta i Brčko Distrikta Bosne i Hercegovine donijeti odluku o prekidu vakcinacije.

3. Slinavka i šap

U slučaju diferencijalno dijagnostički postavljene sumnje na prisustvo bolesti slinavke i šapa potrebno je provesti klinički nadzor kod svih svinja na farmi. Ukoliko se kliničkim pregledom utvrde znakovi karakteristični za bolest potrebno je bez odlaganja provesti sve mjere utvrđene Pravilnikom o mjerama za suzbijanje i iskorjenjivanje slinavke i šapa ("Službeni glasnik BiH", broj 45/11).

4. Tuberkuloza

Jednom godišnje, sve rasplodne svinje u uzgojima brojnijim od 15 krmača, nazimica i nerastova, moraju se tuberkulinizirati. Za obnovu uzgoja nije dozvoljeno koristiti svinje koje prethodno nisu tuberkulinizirane.

Ovlašteni veterinari u klaonicama moraju voditi posebnu evidenciju o svakom utvrđenom slučaju tuberkuloze svinja, te o nalazu obavijestiti nadležnog veterinarskog inspektora u mjestu porijekla tuberkulozne životinje.

5. Trihineloz

U svim slučajevima klanja svinja radi upotrebe mesa za ljudsku ishranu, mora se izvršiti pregled mesa u skladu s odredbama Odluke o mjerama za suzbijanje i iskorjenjivanje trihineloze životinja ("Službeni glasnik BiH", broj 44/03) i Pravilnika o načinu obavljanja pretrage na prisutnost trihinela u mesu ("Službeni glasnik BiH", br. 56/11 i 4/13).

6. Vezikularna bolest svinja

U slučaju sumnje na vezikularnu bolest svinja potrebno je postupiti u skladu s Prilogom II. Pravilnika o mjerama za kontrolu određenih bolesti životinja i posebne mjere za vezikularnu bolest svinja ("Službeni glasnik BiH", broj 15/11) i uraditi diferencijalnu dijagnostiku slinavke i šapa u skladu s postupcima, metodama uzimanja uzoraka i kriterijima za vrjednovanje rezultata laboratorijskih testova utvrđenim u Pravilniku o utvrđivanju dijagnostičkih postupaka, metoda uzimanja uzoraka i kriterija za vrjednovanje rezultata laboratorijskih testova za vezikularnu bolest svinja ("Službeni glasnik BiH", broj 59/12).

Poglavlje D. MJERE KOJE SE PROVEDE ZA KOPITARE

1. Infektivna anemija kopitara

Serološka pretraga uzoraka krvi kopitara mora se obaviti:

- a) dva puta godišnje (januar, juni) kod pravnih lica koja koriste kopitare za proizvodnju bioloških preparata (vakcina, seruma) i sjemena za vještačko osjemenjivanje;
- b) jedanput godišnje kod svih ostalih kopitara;
- c) kada se nabavljeno grlo uvodi u uzgoj;
- d) kod pastuha prije licenciranja;
- e) kada se kopitari dovode na izložbe, smotre, sportska takmičenja i opasivanja u ergele;
- f) kada se kopitari stavljaju u promet.

Nalaz o negativnoj serološkoj pretrazi u slučajevima iz tač. c), d), e) i f) ovog stava ne smije biti stariji od 30 dana.

2. Virusni arteritis konja

Krv nevakciniranih pastuha koji se koriste za proizvodnju sjemena za umjetno osjemenjivanje ili prirodni pripust mora, prije početka korištenja rasplodnjaka, biti pretražena na arteritis konja.

Kod svakog pobačaja kobilu krv mora biti dostavljena radi laboratorijske pretrage na arteritis konja.

3. Trihineloz

U svim slučajevima klanja kopitara radi upotrebe mesa za ljudsku ishranu, mora se izvršiti pregled mesa u skladu s odredbama Odluke o mjerama za suzbijanje i iskorjenjivanje trihineloze životinja ("Službeni glasnik BiH", broj 44/03) i Pravilnika o načinu obavljanja pretrage na prisutnost trihinela u mesu ("Službeni glasnik BiH", br. 56/11 i 4/13).

4. Druge zarazne bolesti konja

U toku provedbe mjera kontrole IAK, provest će se klinički pregled kopitara na sljedeće zarazne bolesti:

- afrička bolest konja (konjska kuga),

- venecuelanski encefalitis konja,
- sakagija,
- durina,
- leptospiroza.

Poglavlje E. MJERE KOJE SE PROVODE ZA PERAD

1. Atipična kuga peradi - Njukastlska bolest

Sva ekstenzivno držana perad mora se vakcinirati protiv atipične kuge dva puta godišnje vakcinama proizvedenim od lentogenih sojeva.

Vakcinacija se provodi između 15. aprila i 30. maja prvi put, te između 15. oktobra i 30. novembra drugi put, a kod prinovljene peradi između navedenih perioda.

Perad i pernata divljač na farmama i svim oblicima intenzivne proizvodnje mora se vakcinirati protiv njukastlske bolesti, tako da bude u stanju stalnog imuniteta. Nivo imuniteta peradi procjenjuje se serološkom pretragom koja je sastavni dio imunoprofilaktičkog postupka.

Imunitet se kontrolira:

- a) u ekstenzivnim uzgojima peradi uzimanjem pet uzoraka krvi na 1000 komada vakcinirane peradi jednom godišnje, 3-4 sedmice nakon provedene vakcinacije;
- b) u intenzivnim uzgojima pretragom 20 uzoraka krvi po jatu, najmanje jednom godišnje 3 - 4 sedmice nakon provedene vakcinacije.

Ukoliko se prilikom provođenja mjera utvrde znakovi karakteristični za bolest potrebno je bez odlaganja provesti sve mjere utvrđene Pravilnikom o mjerama kontrole Njukastl bolesti ("Službeni glasnik BiH", broj 35/10).

2. Influenca ptica

Prilikom provođenja kontrole imuniteta na Njukastlsku bolest, na istim uzorcima krvi provodit će se i pretraga na prisustvo antitijela za avijarnu influencu.

Uzimanje uzoraka kod ekstenzivno držane peradi provodi se u skladu s Programom kontrole i nadzora influence ptica koji će donijeti Ured u saradnji s nadležnim tijelima entiteta i Brčko Distrikta.

Ukoliko se prilikom provođenja mjera utvrde znakovi karakteristični za bolest potrebno je bez odlaganja provesti sve mjere utvrđene Pravilnikom o mjerama za suzbijanje i kontrolu influence ptica ("Službeni glasnik BiH", broj 35/10) i Dijagnostičkim priručnikom za influencu ptica ("Službeni glasnik BiH", broj 74/10).

3. Salmoneloza peradi

Mjere za rano otkrivanje, dijagnostiku, sprječavanje širenja, suzbijanje i iskorjenjivanje infekcija peradi relevantnim serotipovima salmonela od interesa za javno zdravlje provodi se u skladu sa Odlukom o usvajanju programa kontrole salmoneloze kod peradi vrste Gallus gallus u Bosni i Hercegovini ("Službeni glasnik BiH", broj 30/18).

Vakcinacija protiv salmoneloze je obavezna kod svih rasplodnih jata i svih nesilica tokom uzgojnog ciklusa inaktiviranom vakcinom ili živom vakcinom za koju je proizvođač osigurao prikladan metod za bakteriološko razlikovanje vakcinalnog od divljeg soja.

Poglavlje F. MJERE KOJE SE PROVODE ZA PČELE

Na svim pčelinjacima moraju biti provedene naređene preventivne i dijagnostičke mjere za zaštitu zdravlja pčelinjih zajednica od bolesti američka gnjiloća pčelinjeg legla.

Uzgoj pčelinjih matica za prodaju dopušten je samo na pčelinjacima koji su pod stalnim veterinarsko-zdravstvenim nadzorom.

U promet se mogu stavljati samo zdrave pčelinje zajednice, odnosno one na kojima su provedene naredne dijagnostičke i preventivne mjere:

1. Američka gnjiloća pčelinjeg legla

Na svim pčelinjacima, tokom proljeća (mart/april) provodi se klinički pregled pčelinjih zajednica, radi pretrage na američku gnjiloću:

- a) u pčelinjacima s 1-10 pčelinjih zajednica pregledaju se sve zajednice,
- b) u pčelinjacima s 11-20 pčelinjih zajednica mora se pregledati 50% zajednica,
- c) u pčelinjacima od 21-50 pčelinjih zajednica mora se pregledati 33% zajednica,
- d) u pčelinjacima s više od 51 pčelinjih zajednica mora se pregledati 20% pčelinjih zajednica.

Na svim pčelinjacima u kojima je u prethodnoj godini utvrđena američka gnjiloća, kliničkim pregledom moraju biti obuhvaćene sve pčelinje zajednice.

U slučaju postavljanja sumnje na američku gnjiloću, veterinar koji provodi kliničku pretragu će obavezno uzeti uzorak i

dostaviti ga na laboratorijsku pretragu u ovlaštenu dijagnostičku veterinarsku laboratoriju.

Za uzorak se uzima dio pčelinjeg legla, posebno iz svake pojedine sumnjive pčelinje zajednice i to komad saća s

poklopljenim leglom, veličine 10x10 cm, na kojem su znaci bolesti vidljivi, umotan u ambalažu koja propušta vazduh.

Ukoliko u periodu pretrage i sumnje na američku gnjiloću u pčelinjoj zajednici nema legla moguće je kao uzorak dostaviti žive ili uginule pčele (uzorak od stotinjak pčela), med iz medišta, kao i dio starog dijela legla /saća/ koje može biti prazno ili zbirni uzorak meda iz sezone vrcanja (oko 10 g), kako bi se na taj način utvrdilo prisustvo spora američke gnjiloće, ispoljene u kliničkoj ili subkliničkoj formi na pčelinjaku ili pojedinačnoj pčelinjoj zajednici.

U promet se mogu stavljati samo pčelinje zajednice na kojima su provedene naređene mjere i koje ne pokazuju znake bolesti.

Poglavlje G. MJERE KOJE SE PROVODE ZA RIBE

Na svim uzgajalištima riba i na otvorenim vodama za koje brinu sportska ribolovna društva moraju se obaviti klinički pregledi, uzeti uzorci za laboratorijske pretrage, te obaviti pretrage kako slijedi:

1. Na svim pastrmskim ribnjacima

U toku godine provodi se klinička i laboratorijska pretraga radi isključivanja prisutnosti uzročnika virusnih bolesti riba u skladu s odredbama Priloga VII. i VIII. Pravilnika o uvjetima zdravlja životinja koji se primjenjuju na životinje akvakulture i njihove proizvode te sprječavanju i suzbijanju određenih bolesti vodenih životinja ("Službeni glasnik BiH", broj 28/11). Laboratorijsko ispitivanje na prisustvo virusa se provodi metodom izolacije virusa na kulturi ćelija. Ured će u saradnji sa nadležnim tijelima entiteta i Brčko Distrikta u roku od 60 dana od stupanja na snagu ovog Programa donijeti program monitoringa virusnih bolesti riba za 2019. godinu. U zavisnosti od odredbi programa kao uzorak mogu se uzeti uzorci prijemčivih organa ribe ili ovarijalna tekućina ili cijele ribe bez obzira na razvojni stadij, uključujući riblju mlad (ribe u razvoju).

U slučaju pojave masovnih uginuća i drugih promjena, a za koje je utvrđeno da nisu uzrokovane gore navedenim bolestima, radit će se dodatna istraživanja na druge bolesti od kojih navedene vrste riba mogu oboljeti. Kod pojave cito patogenog efekta (CPE) na kulturi ćelija prilikom vršenja pretraga na VHS i IHN, za koji se utvrdi da nije posljedica ovih virusnih bolesti, vršit će se daljnja virusološka ispitivanja na prisustvo ostalih virusnih bolesti riba.

2. Na svim šaranskim ribnjacima

U toku godine provodi se klinička i laboratorijska pretraga radi isključivanja prisutnosti uzročnika Koi herpes virusa (KHV). Ured će u saradnji sa nadležnim tijelima entiteta i Brčko Distrikta u roku od 60 dana od stupanja na snagu ovog Programa donijeti plan monitoringa virusnih bolesti riba za 2019. godinu.

U slučaju pojave masovnih uginuća, te drugih promjena, a za koje je utvrđeno da nisu uzrokovane gore navedenim bolestima, radit će se dodatna istraživanja na druge bolesti od kojih navedene vrste riba mogu oboljeti

Poglavlje H. MJERE KOJE SE PROVODE ZA PSE I MAČKE

1. Bjesnilo

Svi psi koji se nalaze na teritoriji Bosne i Hercegovine moraju biti identifikovani i evidentirani u skladu s odredbama Pravilnika o identifikaciji i vođenju evidencije pasa, mačaka i pitomih vretica u Bosni i Hercegovini ("Službeni glasnik BiH", broj 96/16).

Svi psi stariji od tri mjeseca moraju se vakcinirati protiv bjesnila.

Pas koji tokom godine dostigne starost od tri mjeseca mora biti vakciniran u roku od 14 dana, a pas koji je nabavljen, a nije vakciniran, u roku od 14 dana od dana nabavke.

Preporučuje se vakcinacija mačaka protiv bjesnila.

Za vakcinaciju se može koristiti samo inaktivirana registrirana vakcina sa ćelijskih kultura ili embrioniranih jaja, pripremljena od visokoimunogenih sojeva virusa bjesnila.

Vlasnici životinja koje se drže na paši dužni su onemogućiti kontakt divljih i domaćih životinja.

U slučaju potrebe Ured može narediti vakcinaciju i drugih životinja protiv bjesnila u pojedinim područjima.

2. Lajšmanioza (Leishmaniasis)

Na područjima gdje je u prethodnoj godini nađena lajšmanioza, najkasnije do 30. maja 2019. godine, na lajšmaniozu moraju biti pretraženi:

- lovački psi;
- radni psi;
- psi koji borave na otvorenom.

3. Ehinokokoza

Prilikom vakcinacije pasa protiv bjesnila provodi se dehelmintizacija pasa protiv trakavice *Echinococcus granulosus*,

sredstvom koje pouzdano ubija zrele i nezrele oblike trakavice.

Radi sprječavanja širenja jajašaca u okolini obavezno je pse nakon tretiranja držati najmanje 48 sati u ograđenom prostoru, a njihov izmet neškodljivo ukloniti.

Poglavlje I. MJERE KOJE SE PROVODE ZA DIVLJE ŽIVOTINJE

1. Trihineloz

Kod sve ulovljene divljači koja služi ishrani ljudi, mora se izvršiti pregled mesa u skladu s odredbama Odluke o mjerama za suzbijanje i iskorjenjivanje trihineloze životinja ("Službeni glasnik BiH", broj 44/03) i Pravilnika o načinu obavljanja pretrage na prisutnost trihinelu u mesu ("Službeni glasnik BiH", br. 56/11 i 4/13).

2. Klasična i afrička kuga svinja

Svi korisnici lovišta su obavezni osigurati dostavu uzorka krvi, slezene i bubrega od svake ulovljene ili nađene jedinke divlje svinje do ovlaštene laboratorije za klasičnu i afričku svinjsku kugu u Bosni i Hercegovini.

Ukoliko se prilikom provođenja mjera utvrde znakovi karakteristični za bolest potrebno je bez odlaganja provesti sve mjere utvrđene Pravilnikom o mjerama za otkrivanje, suzbijanje i iskorjenjivanje klasične svinjske kuge ("Službeni glasnik BiH", br. 38/10, 51/11, 6/12, 4/13 i 90/14) i Pravilnikom o mjerama za nadzor afričke svinjske kuge ("Službeni glasnik BiH", broj 15/11).

3. Influenca ptica

Uzimanje uzoraka od divljih ptica provodi se u skladu s Programom kontrole i nadzora influence ptica koji će donijeti Ured u saradnji s nadležnim tijelima entiteta i Brčko Distrikta BiH.

Ukoliko se prilikom provođenja mjera utvrde znakovi karakteristični za bolest potrebno je bez odlaganja provesti sve mjere utvrđene Pravilnikom o mjerama za suzbijanje i kontrolu influence ptica ("Službeni glasnik BiH", broj 35/10) i Dijagnostičkim priručnikom za influencu ptica ("Službeni glasnik BiH", broj 74/10).

4. Zarazne bolesti riba

Na otvorenim vodama za koje brinu ribolovna društva uzorkovanje se provodi u skladu s odredbama Pravilnika o uvjetima zdravlja životinja koji se primjenjuju na životinje akvakulture i njihove proizvode te sprječavanju i suzbijanju određenih bolesti vodenih životinja ("Službeni glasnik BiH", broj 28/11), zavisno od toga koje riblje vrste u njima žive.

Poglavlje J. MJERE KOJE SE PROVODE ZA RASPLODNE ŽIVOTINJE

1. Rasplodne životinje

Dva puta godišnje svim rasplodnim životinjama koje se koriste za prirodni pripust ili proizvodnju sjemena za vještačko osjemenjivanje, zavisno od vrste životinja, vadi se krv i pretražuje na brucelozi, leptospirozi, paratuberkulozi i IBR/IPV, odnosno uzima se bris ili ispirak prepucija i pretražuje na kampilobakteriozi i trihomonijazu.

Poglavlje K. MJERE KOJE SE PROVODE KOD POBAČAJA

Kod svakog pobačaja goveda, ovaca, koza, svinja i kobilu, nadležni veterinar je dužan dostaviti na laboratorijsku pretragu krv životinje koja je pobacila, a po mogućnosti i pobačeni fetus s plodnim ovojcima.

Dostavljeni materijal potrebno je pretražiti na brucelozi, leptospirozi, genitalnu kampilobakteriozu, Q groznicu, listeriozu, salmonelozi i klamidiju.

Svi pobačaji moraju biti prijavljeni nadležnom veterinarskom inspektoratu.

Poglavlje L. KONTROLA ZDRAVLJA VIMENA

Sve životinje čije mlijeko se koristi za javnu potrošnju, prije stavljanja mlijeka u promet moraju biti obuhvaćene dijagnostičkim mjerama propisanim ovim Programom i imati negativan rezultat.

Vlasnici životinja čije mlijeko se stavlja u javnu potrošnju dužni su imati: Upisnik životinja na imanju, evidenciju o liječenju životinja, evidenciju o rezultatima provedenih laboratorijskih pretraga mlijeka na mikroorganizme i somatske stanice u skladu sa Pravilnikom o higijeni hrane životinjskog porijekla ("Službeni glasnik BiH", broj 103/12, 28/14 i 87/15) Potvrdu o provedenim obaveznim mjerama iz Priloga V ovog Programa koju je ispunila veterinarska organizacija nadležna za imanje sa kojeg potiču životinje, te svim drugim relevantnim izvještajima o obavljenim pregledima životinja.

Vlasnici životinja, za sve životinje od kojih daju mlijeko u javnu potrošnju, dužni su objektima za preradu mlijeka kojima isporučuju mlijeko dostaviti kopiju potvrde iz Priloga V.

Ukoliko rezultat laboratorijskih pretraga mlijeka na mikroorganizme i somatske stanice prelazi maksimalno dozvoljenu

granicu propisanu Pravilnikom o higijeni hrane životinjskog porijekla ("Službeni glasnik BiH", broj 103/12, 28/14 i 87/15), vlasnik životinja dužan je svaku životinju čije mlijeko stavlja u javnu potrošnju podvrgnuti pretrazi na poremećenu sekreciju vimena, a mlijeko iz vimena s poremećenom sekrecijom ne smije se plasirati u javnu potrošnju.

Poglavlje M. OSTALE ZARAZNE BOLESTI ŽIVOTINJA

U cilju utvrđivanja prisustva, odnosno odsustva sljedećih zaraznih bolesti životinja na zahtjev vlasnika ili u skladu s preporukom Ureda i nadležnih tijela entiteta i Brčko Distrikta BiH, provest će se mjere monitoringa, kako slijedi:

a) U cilju utvrđivanja prisustva, odnosno odsustva BVD/MD goveda, pretražit će se krv od 10 nasumično odabranih životinja iz stada, starosne dobi od 9 - 18 mjeseci. U slučaju manjeg broja životinja, pretražuje se krv svih životinja u stadu, odgovarajuće starosne dobi;

b) U cilju utvrđivanja prisustva, odnosno odsustva vektora Groznice zapadnog Nila prilikom provođenja mjera navedenih u Poglavlju A.7. ovog Priloga, izvršit će se identifikacija vektora, te pretraga vektora na prisustvo uzročnika Groznice zapadnog Nila. Monitoring vektora provodi se u cilju identifikacije potencijalne vektorske vrste, te utvrđivanja područja visokog, srednjeg ili niskog rizika i lokalnih detalja koji se odnose na sezonalnost. U cilju utvrđivanja prisustva bolesti izvršit će se i serološka pretraga svih konja koji pokazuju znakove encefalitisa, te u slučaju potrebe pretraga divljih ptica prilikom provedbe monitoringa iz Poglavlja I.4. ovog Priloga. Svi uginuli konji bit će pretraženi na prisustvo virusa Groznice zapadnog Nila;

Ukoliko se prilikom provođenja mjera utvrde znakovi karakteristični za zarazne bolesti životinja potrebno je bez odlaganja provesti sve mjere utvrđene Zakonom o veterinarstvu u Bosni i Hercegovini ("Službeni glasnik BiH", broj 34/02), Odlukom o zaraznim bolestima ("Službeni glasnik BiH", broj 44/03), te relevantnim propisima na snazi kojima je regulirana navedena oblast.

Prilog II.

Tabela za uzorkovanje

Veličina populacije	Detektibilna prevalenca (%)														
	0.001	0.01	0.1	0.5	1	2	5	8	10	15	20	25	30	40	50
10	10	10	10	10	10	10	10	10	10	9	8	7	6	5	4
20	20	20	20	20	20	20	19	17	16	13	10	9	7	6	5
50	50	50	50	50	50	48	35	26	22	16	12	10	8	6	5
100	100	100	100	100	95	78	45	31	25	17	13	10	9	6	5
200	200	200	200	190	155	105	51	33	27	18	14	11	9	6	5
300	300	300	300	260	189	117	54	34	28	18	14	11	9	6	5
400	400	400	400	311	211	124	55	35	28	19	14	11	9	6	5
500	500	500	499	349	225	129	56	35	28	19	14	11	9	6	5
600	600	600	597	379	235	132	56	35	28	19	14	11	9	6	5
700	700	700	691	402	243	134	57	36	28	19	14	11	9	6	5
800	800	800	782	421	249	136	57	36	28	19	14	11	9	6	5
900	900	900	868	437	254	137	57	36	29	19	14	11	9	6	5
1000	1000	1000	950	450	258	138	57	36	29	19	14	11	9	6	5
1500	1500	1500	1297	493	271	142	58	36	29	19	14	11	9	6	5
2000	2000	2000	1553	517	277	143	58	36	29	19	14	11	9	6	5
2500	2500	2500	1746	532	281	144	58	36	29	19	14	11	9	6	5
3000	3000	3000	1895	542	284	145	58	36	29	19	14	11	9	6	5
3500	3500	3500	2013	550	286	146	58	36	29	19	14	11	9	6	5
4000	4000	3999	2108	556	288	146	58	36	29	19	14	11	9	6	5
4500	4500	4495	2187	560	289	146	59	36	29	19	14	11	9	6	5
5000	5000	4988	2253	564	290	147	59	36	29	19	14	11	9	6	5
10000	10000	9500	2588	581	294	148	59	36	29	19	14	11	9	6	5
15000	15000	12964	2715	586	296	148	59	36	29	19	14	11	9	6	5
20000	20000	15528	2781	589	296	148	59	36	29	19	14	11	9	6	5
30000	29999	18948	2850	592	297	148	59	36	29	19	14	11	9	6	5
40000	39978	21085	2885	594	297	149	59	36	29	19	14	11	9	6	5
50000	49876	22536	2907	595	298	149	59	36	29	19	14	11	9	6	5
60000	59594	23582	2921	595	298	149	59	36	29	19	14	11	9	6	5
70000	69031	24371	2932	596	298	149	59	36	29	19	14	11	9	6	5
80000	78109	24987	2939	596	298	149	59	36	29	19	14	11	9	6	5
90000	86775	25481	2945	596	298	149	59	36	29	19	14	11	9	6	5
100000	95000	25886	2950	596	298	149	59	36	29	19	14	11	9	6	5
200000	155279	27821	2972	597	298	149	59	36	29	19	14	11	9	6	5
300000	189479	28509	2980	598	298	149	59	36	29	19	14	11	9	6	5

Prilog III.**Obrazac 1**

Obrazac za slanje uzoraka na laboratorijsko pretraživanje (goveda, svinje, ovce, koze, kopitari, pčele, ribe)				
Svrha uzorkovanja:	Program mjera 2019	Karantin	Zahtjev držatelja	Drugo (navesti)
Datum uzorkovanja:				
Ime i prezime vlasnika:		Adresa (farme/posjeda/karantina):		
Mjesto:	Općina:	Kanton:	Entitet:	
Reg. broj farme:		Reg. broj klaonice:		
Ukupan broj životinja (broj/vrsta)				
Životinje od kojih je uzet uzorak (broj / kategorija)				
Broj(evi) ušne(ih) markica ili drugih oznaka životinja od kojih je/su uzeti uzorci				
Imuni status životinje (vakcinirana):		Naziv bolesti:		
Da	Ne	Naziv vakcine:		
		Datum vakcinacije:		
UZORAK				
Vrsta uzorka (označiti):	Krv	Organi (navesti koji):		
	Feces	Navlake za obuću		
	Mlijeko	Urin		
	Pobačeni fetus	Bris (navesti čega)		
	Riba (navesti vrstu/e)	Ovarijalna tekućina ili organi ili cijela riba		
	Drugo (navesti)	Larve (navesti čega)		
Pretraga (navesti član Programa):		Bolest:		
Datum slanja uzorka:		Način dostave:		
Naziv laboratorije:				
Ime i prezime veterinara koji je uzeo uzorak:				
Naziv veterinarske organizacije:				
Adresa:		Tel / Fax:		
Napomena:				
Potpis i pečat:				

Obrazac 2

Obrazac za slanje uzoraka na laboratorijsko pretraživanje (perad)				
Svrha uzorkovanja:	Program mjera 2019.	Karantin	Zahtjev držatelja	Drugo (navesti)
Datum uzorkovanja:				
Ime i prezime držatelja:		Adresa (farme/posjeda/karantina):		
Mjesto:	Općina:	Kanton:	Entitet:	
Reg. Broj farme:		Reg. broj klaonice:		
Vrsta proizvodnje:	Ekstenzivna		Rasplođ	
	Intenzivna		Tov	
			Reprodukcija	
Dob peradi:		Nesilice (konzum)	Jaja (konzum)	Hobi / sport
Dob peradi:		Nesilice (rasplod)	Mlijeko	
Dob peradi:		Pilići	Ribe	Drugo
		Jaja (rasplod)	Pčele	
Veličina uzgoja (Σ):	1 do 9	40 do 50	350 do 499	5000 do 9999
	10 do 19	51 do 99	500 do 999	10000 do 30000
	20 do 29	100 do 249	1000 do 2999	> 30000
	30 do 39	250 do 349	3000 do 4999	
PERAD				
Način proizvodnje:	Kavezni	Podni	Slobodno držanje	Drugo (navesti)
Ukupan broj jata na farmi / posjedu:				
Broj objekta iz kojeg je uzet uzorak:				
Broj nesilica na farmi:		Broj brojlera na farmi:		
Broj nesilica u pretraživanom (im) jatu(ima):		Broj brojlera u pretraživanom (im) jatu(ima):		
Broj pilića na farmi:		Broj ćurana na farmi:		
Broj pilića u pretraživanom (im) jatu(ima):		Broj ćurana u pretraživanom (im) jatu(ima):		
Imuni status peradi (vakcinacija)				
Njukastlska bolest	Da	Proizvođač vakcine:		
	Ne	Naziv vakcine:		
		Datum vakcinacije:		
Salmoneloza	Da	Proizvođač vakcine:		
	Ne	Naziv vakcine:		
		Datum vakcinacije:		
UZORAK				
Vrsta uzorka (označiti):	Krv		Organi (navesti koji):	
	Feces		Navlake za obuću	
	Jaja (navesti količinu)		Bris (navesti čega)	
Pretraga (navesti član Programa):			Bolest:	
Datum slanja uzorka:			Način dostave:	
Naziv laboratorije:				
Ime i prezime veterinara koji je uzeo uzorak:				
Naziv veterinarske organizacije:				
Adresa:			Tel / Fax:	
Napomena:				
Potpis i pečat:				

Prilog IV.
Kvartalni izvještaj o provođenju mjera

Nadležno _____
tijelo: _____
Izvještaj za _____ mjesec 20__ godine

Adresa: _____
Tel/Faks: _____

I. Provedene dijagnostičke mjere

I.1. Za goveda

Epidemiološka jedinica: _____
Broj jedinica za uzorkovanje: _____
Procijenjeni broj životinja: _____

MJERE	Bedrenica	Bruceloza	Leukoza	Tuberkul oza	Plavi jezik	Listerioza	BSE
Broj životinja od kojih su uzeti uzorci							
Ukupan broj pozitivnih životinja							
Ukupan broj negativnih životinja							
Ukupan broj vakcinisanih životinja							

I.2. Za ovce / koze

Epidemiološka jedinica: _____
Broj jedinica za uzorkovanje: _____
Procijenjeni broj životinja: _____

MJERE	Bedrenica	Bruceloza	Scrapie	Listerioza	Plavi jezik
Broj životinja od kojih su uzeti uzorci					
Ukupan broj pozitivnih životinja					
Ukupan broj negativnih životinja					
Ukupan broj vakciniranih životinja					

I.3. Za svinje

Epidemiološka jedinica: _____
Broj jedinica za uzorkovanje: _____
Procijenjeni broj životinja: _____

MJERE	KKS	Bruceloza	Tuberkuloza	Trihineloz
Broj životinja od kojih su uzeti uzorci				
Ukupan broj pozitivnih životinja				
Ukupan broj negativnih životinja				
Ukupan broj vakciniranih životinja				
Podaci za divlje svinje				

I.4. Za kopitare

Epidemiološka jedinica: _____

Broj jedinica za uzorkovanje: _____

Procijenjeni broj životinja: _____

MJERE	Infektivna anemija kopitara	Groznica zapadnog Nila
Broj životinja od kojih su uzeti uzorci		
Ukupan broj pozitivnih životinja		
Ukupan broj negativnih životinja		

I.5. Za perad

Epidemiološka jedinica: _____

Broj jedinica za uzorkovanje: _____

Procijenjeni broj životinja: _____

MJERE	Njukastlska bolest	Avijarna influenza	Tifus peradi i druge <i>Salmonella</i> infekcije
Broj životinja od kojih su uzeti uzorci			
Ukupan broj pozitivnih životinja / uzoraka			
Ukupan broj negativnih životinja / uzoraka			
Ukupan broj vakciniranih životinja			

I.6. Za pčele

Epidemiološka jedinica: _____

Broj jedinica za uzorkovanje: _____

Procijenjeni broj životinja: _____

MJERE	Američka trulež
Broj pčelinjih zajednica od kojih su uzeti uzorci	
Ukupan broj uzoraka	
Ukupan broj pozitivnih pčelinjih zajednica	
Ukupan broj negativnih pčelinjih zajednica	

I.7. Za ribe

Epidemiološka jedinica: _____

Broj jedinica za uzorkovanje: _____

Procijenjeni broj životinja: _____

MJERE	VHS	IHN	KHV
Broj životinja od kojih su uzeti uzorci			
Ukupan broj pozitivnih životinja / uzoraka			
Ukupan broj negativnih životinja / uzoraka			

I.8. Za pse

Epidemiološka jedinica: _____

Procijenjeni broj životinja: _____

MJERE	Bjesnilo	Lišmanijaza	Ehinokokoza
Broj životinja od kojih su uzeti uzorci			
Ukupan broj pozitivnih životinja			
Ukupan broj negativnih životinja			
Ukupan broj vakciniranih životinja			

II. Mjere koje se provode za rasplodne životinje

Vrsta životinje: _____

MJERE	Bruceloza	Leptospiroza	IBR/IPV	Paratuberkuloza	Kampilobakt.	Trihomonijaza
Broj životinja od kojih su uzeti uzorci						
Ukupan broj pozitivnih životinja						
Ukupan broj negativnih životinja						

III. Mjere koje se provode kod pobačaja

Vrsta životinje: _____

MJERE	Bruceloza	Listerioza	Leptospiroza	Q groznica	Kampilobakt.	Salmoneloza
Broj životinja od kojih su uzeti uzorci						
Ukupan broj pozitivnih životinja						
Ukupan broj negativnih životinja						

IV. Napomene

Prilog V

Veterinarska organizacija: _____

Adresa, mjesto, općina: _____

Kontakt telefon/e-mail: _____

POTVRDA O PROVEDENIM OBAVEZNIM MJERAMA
ZA _____
(Navesti vrstu životinja)

U skladu sa odredbama Programa mjera zdravstvene zaštite životinja njihovog provođenja u 2019. godini, izdaje se potvrda za imanje vlasnika _____, broj imanja: _____, adresa _____, mjesto _____ na kojem su provedena sljedeća dijagnostička ispitivanja / vakcinacije:

Izvršena vakcinacija (bolest):	Datum vakcinacije:	Vrsta živ.:	Ukupan broj životinja:	Broj životinja na kojima je provedena mjera:	Naziv i oznaka vakcine (serija):	
Izvršena vakcinacija (bolest):	Datum vakcinacije:	Vrsta živ.:	Ukupan broj životinja:	Broj životinja na kojima je provedena mjera:	Naziv i oznaka vakcine (serija):	
Izvršeno dijagnostičko ispitivanje (bolest):	Datum uzorkovanja:	Vrsta živ.:	Ukupan broj životinja:	Broj životinja na kojima je provedena mjera:	Rezultat pretrage:	Broj i datum nalaza:
Izvršeno dijagnostičko ispitivanje (bolest):	Datum uzorkovanja:	Vrsta živ.:	Ukupan broj životinja:	Broj životinja na kojima je provedena mjera:	Rezultat pretrage:	Broj i datum nalaza:
Izvršeno dijagnostičko ispitivanje (bolest):	Datum uzorkovanja:	Vrsta živ.:	Ukupan broj životinja:	Broj životinja na kojima je provedena mjera:	Rezultat pretrage:	Broj i datum nalaza:
Izvršen klinički pregled	Datum pregleda:	Vrsta životinja:	Ukupan broj životinja:	Broj životinja na kojima je provedena mjera:	Rezultat pretrage:	Napomena

U prilogu se nalazi: popis svih životinja na imanju, kopije laboratorijskih i drugih nalaza i evidencije, te kopije obrazaca o provedenim mjerama tuberkulinizacije (gdje je primjenljivo). Ukoliko nisu provedene mjere na određenim životinjama, navesti razlog za neprovođenje mjera i identifikacione oznake tih životinja:

Popis identifikacionih oznaka životinja na kojima su provedene propisane mjere i rezultati provedenih ispitivanja¹

[illegible]

Mjesto i datum, _____



Svojeručni potpis veterinara
(Obavezno upisati ime i prezime štampanim slovima
i staviti faksimil – pečat)

2/2

¹ Ukoliko je na imanju prisutno više životinja nego što je navedeno u popisu, potrebno je isprintati popis u više primjeraka

² Unijeti i informacije o kliničkom pregledu životinja

Pretplatnici imaju dodatne pogodnosti. Ukoliko ste već pretplatnik, prijavite se! Ukoliko niste pretplatnik, registrirajte se!

➡ [Prijava \(/auth/login?ReturnUrl=%2Fpage%2Fakt%2FVZwvKgktMbA%3D\)](/auth/login?ReturnUrl=%2Fpage%2Fakt%2FVZwvKgktMbA%3D)

➡ [Registracija \(/auth/register?ReturnUrl=%2Fpage%2Fakt%2FVZwvKgktMbA%3D\)](/auth/register?ReturnUrl=%2Fpage%2Fakt%2FVZwvKgktMbA%3D)

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (<mailto:sllist@sllist.ba>)

Kontakti

Centrala

Tel: 033/722-030

Email (<mailto:info@sllist.ba>)

Uredništvo

Tel: 033/722-038

Email (<mailto:urednistvo@sllist.ba>)

Pravna služba

Tel: 033/722-051

Email (<mailto:info@sllist.ba>)

Računovodstvo

Tel: 033/722-045, Fax: 033/722-046

Email (<mailto:racunovodstvo@sllist.ba>)

Pretplata

Tel: 033/722-054

Email (<mailto:pretplata@sllist.ba>)

Ekspedit

Tel: 033/722-041

Email (<mailto:info@sllist.ba>)

Prodaja

Tel: 033/722-079

Email (<mailto:info@sllist.ba>)

Oglasni odjel

Tel: 033/722-049 i 033/722-050, Fax: 033/722-074

Email (<mailto:oglasil@sllist.ba>)

Tehnički sekretar

Tel: 033/722-061, Fax: 033/722-064

Ured direktora

Tel: 033/722-061

Komercijala

Tel: 033/722-042